

Kabinet Dr. M 'kumpulan dinamik' kata GPMS

KUALA LUMPUR, Isnin — Gabungan Pelajar-Pelajar Melayu Semenanjung (GPMS) mensifatkan barisan Kabinet Perdana Menteri, Datuk Seri Dr. Mahathir Mohamad sebagai 'kumpulan dinamik' mewakili aspirasi rakyat dari berbagai peringkat dan keturunan.

GPMS mensifatkannya satu perkembangan baru yang amat baik dalam era mencapai kematangan pembangunan negara.

Dalam satu kenyataan hari ini, presidennya, Encik Yusof Subelme Haji Yatim berkata, GPMS yakin Dasar Ekonomi Baru dan Dasar Pelajaran Kebangsaan akan terlaksana.

Gabungan itu juga menyatakan penghargaan tinggi kepada Datuk Musa Hitam yang dilantik sebagai Timbalan Perdana Menteri merangkap Menteri Hal Ehwal Dalam Negeri.

GPMS mengalu-alukan perantikan Datuk Dr. Sulaiman Daud sebagai Menteri Pelajaran yang baru dan yakin beliau dapat meneruskan pelaksanaan Dasar Pelajaran Kebangsaan dengan tegas.

Menurut Encik Yusof Subelme, dengan adanya Datuk Haji Suhaimi Datuk Haji Kamaruddin sebagai Timbalan Menteri Pelajaran, kejayaan yang lebih besar akan tercapai.

GPMS, jelasnya bersedia memberi kerjasama untuk mencapai pelaksanaan Dasar Pelajaran Kebangsaan.

Gabungan juga mengucapkan tahniah kepada tokoh-tokoh GPMS yang diberi kepercayaan dalam melaksanakan tugas penting kerajaan.

Mereka termasuk Datuk Abdullah Haji Ahmad, Datin Paduka Rafidah Aziz.